

刻刻防心心卻離不如拴鎖莫任馳與君一箇收心法裝作呆
來裝作癡

示吳子林

修心只是問丹田莫舍丹田另覓玄氣自斂兮神自定何須徒
襲口頭禪

七言古

飲後狂吟

道人好酒不好醉欲醉不醉終日睡醒時重酌幾百杯月朗星
輝照天地再酌幾杯歌復狂興闌落筆成詩句問我吟情果若
何吟情趣在杯中趣

道藏輯要

東園雜詠附

三

又續壁集七

遊霧山

霧山高兮高出天中有雲氣盤岩顛四望古木少人煙千峯萬
壑聳如肩我尋古蹟踏蒼蘚苔侵磴滑葛蘿牽不聞鳥語喚天
邊但聞深澗水潺潺龍蛇虎豹羣相連硫磺氣熏鼻腥羶木石
倒崩當路前天日長陰變坤乾欲出山兮霧迴旋突有鐘聲隔
嶺傳此間信多往世仙爲登古寺密林穿古寺大唐開法筵山
僧傍午共參禪我問山僧僧便自昔罹災一炬然瓊宮貝闕
餘數椽紛紛瓦礫碎花磚遺址空餘覆鹿眠有池無有出山泉
只餘明月照清漣山中有危樑幾榻石懸流月月流今古圓
山中有道場千載迭變遷試掃苔痕覓遺編一碑未徧滅古鐫
流月橋